

34395

T R A I T É D E L A P E S T E, E T D E L A C V R E D' I C E Î L E :

Avec la preparation de l'Antimoine, & les
vertus & proprietez d'iceluy, seruans
grandement à la curation de
ladicte Peste.

*Plus un petit traité de la Dissenterie,
& de ses remedes.*

L'écrit par bon ordre, & redigé en
Sommaire par Pierre André, natif
du Doré, Chirurgien
Poictiers.



L Y O N,
Par Benoist Rigaud.

M. D. L X X X I.

*Prins sur la copie imprimée à Poictiers,
par Nicolas Logeroy.*

A NOBLE SEIGNEUR

maistre Iehan de la Haye, Escuyer, Conseillier du Roy nostre Sire & Lieutenant general en Poictou: Pierre André Chirurgien à Poitiers desire salut & felicité.



'Est bien chose certaine, Monseigneur, que guerre, famine, pestilence, dissenterie, fieures, perte de biens, & autres maux qui nous aduiénent, & d'une partie desquelz nous auons, cy deuant, esté assaillis: sont verges & chastimens, par lesquelz nostre Dieu chastie les hommes, & spécialement les siens lesquelz il ne veult perdre, ains qu'ilz se corrigent & amendent, voyans telz fleaux courir sur les homes. Pour lesquelz euitier toutesfois, il a lais-

sé aux humains des moiens & ay-
 des qui ne sont a mespriser, mays
 à iceux deuons recourir comme
 enuoyés de Dieu. P'en pourroy par
 le menu desdire plusieurs, sinon
 que ie sçay que vostre prudence &
 sagesse ne les ignore pas. Seulemēt
 ie proposeray deuant voz yeux, les
 aydes lesquelz nous deuons rece-
 uoir pour nous garder, & pour
 euitier (si Dieu le permet) deux de
 ces fleaux. Le premier desquelz à
 present nous inquiete grandemēt:
 C'est l'Epidimie. L'autre est la Dif-
 fenterie, nommée par les Italiens
 Caquesangue. Laquelle (comme
 nous presage le temps passé: & ce-
 luy qui a cours pour le iourd'huy)
 nous menasse. Et, si Dieu n'y met
 la main, à grand' peine se passera
 l'Automne, que d'icelle ne soyent
 molestez plusieurs corps remplis
 de

de cacochimie & mauuaises humeurs, à cause des chaleurs precedentes qui ont brulé & desseché les humeurs, les rendant adustes & acrimonieuses. Et iacqoit qu'elle ne soit autant contagieuse que la premiere: si est ce qu'elle ne laisse d'estre pestifere & contagieuse, spécialement des grandz aux petis. Pour à quoy obuier: Et pource que ie sçay qu'il n'y a chose plus requise & desirée des humains que santé, sans laquelle toute mondaine richesse est languissante & presque inutile, comme sagement le Moral Caton a laissé par escript, Disant,

*Le riche estant malade, a des biens
à planté:*

Mais soy mesme il n'a pas ny sa propre santé.

I'ay amassé de plusieurs bons

auteurs tant anciens que nouueaux, aucunes bonnes opinions pour empescher la venue desdictes maladies:& icelles venues curer & rendre les patiens sains & deliures d'icelles. I'ay pareillemēt adiousté ce que par longue experience despuis vingt ans en ça, que i'ay fréquenté les Doctes & expertz en l'art de Chirurgie à Paris, Toloze, Montpelier, Lyon & ailleurs. Et operant de ma main, i'ay experimenté es guerres d'Escoffe, Boulongne, Metz,& en Allemagne & autres Cāps de guerre, esquelz i'ay veu, entre aultres, ces deux fleaux de maladie auoir cours, & par leur pestifere effort opprimer plusieurs hommes, gēsdarmes, femmes & petis enfans: A la guerison desquelz selon ma capacité, & le pouuoir que Dieu m'auoit

m'auoit donné, ie me suis employé. Et iacoit, Monseigneur, que des afflictions passées ie me resente, selon ma qualité, autant ou plus qu'un homme viuant à present. Tellement que par operation manuelle ie soys impuissant de pouuoir totalement secourir les affligés & persecutés, de telles & si d'ange-reuses maladies : toutesfois, à fin que ie ne soys veu, n'estre affectiōné & au pais, & à mes freres & cō-citoyens, i'ay (pour tascher recompencer en partie le deffault de ma main) bien voulu soubz vostre authorité & faueur mettre en lumiere le present traité, pour subuenir & aux riches & aux pōures, en moyennant le tout selon les qualités, les temps, & la puissance des vngs & des autres par raison : le-quel mien petit labeur i'ay prins la

hardiesse vous dedier, sachant, que
soubz vostre protection & sauue-
garde, il sera asseuré contre la ca-
lomnie des enuieux & malings de
tracteurs, lesquels (côme il m'ont
aultresfoys iniustement couru) ne
se pourront tenir, sinon le corri-
ger, à tout le moins à en mesdi-
re & detracter; mais ie m'asseure
d'vn tel patron que de vous à la
correction & iugement duquel il
s'est submis. Or ie vous supplie,
Monseigneur, le vouloir receuoir
en gré, & excuser mon impuden-
ce, qui ay osé de tant petite chose
vous importuner, & excusant mô
peu de sçauoir, regarder à l'affec-
tion de celuy qui vous le pre-
sente, & non pas au present, &
moins à la qualité de celuy qui
vous l'offre. Vous asseurant qu'ou
la puissance deffault, la volonté
est

AV LECTEUR.

Ciceron, prince de l'Eloquence latine, dit au premier de ses offices, que non seulement nous sommes nays pour nous : mais en partie pour nostre pays, en partie pour noz parens, & en partie aussi pour noz amis. Mais nostre sauueur Iesus Christ dict bien d'auantage : car il veut en general que nous aimions noz prochains comme nous mesmes. Ce qu'ayant bien pesé en moy, j'ay pensé que ie pourray profiter à un chacun, comme à moymesme, si ie reduisoys par escript quelques remedes, que j'ay experimētez estre fort duisans pour la curation de la pestilence, laquelle au iourd'huy tourmente fort non seulemēt le peuple de Poictiers, mais en plusieurs cōtrees elle depopule les villes, & bourgades, & champs.

J'ay recuilli de plusieurs auteurs,

ce qu'aussi i'ay cogné par experience,
 tant pour les pourceux, que pour les riches.
 Et ay redigé, comme en vn sommaire,
 certains remedes, tant contre ladicte pe-
 stilence, que contre la dissenterie, ou ca-
 quesangue : laquelle communement viét
 apres, & succede à ladicte maladie, ap-
 prochant de sa cōtagion. Je te prie, amy
 lecteur, prendre en gré ce mien petit la-
 beur, comme les premices de ce que
 j'ay delibéré mettre cy apres par
 escript, si ie voy que ce pe-
 tit Opusculé te soit
 agreable.

Sonnet par B. Le Rangeur.

Ce que l'Eternel fait, il le fait iustement:
 Et à tout ce qu'il fait, il n'y a que redire:
 Quoy que sur les humains il deployst son ire
 Pour tous les accabler d'un horrible tourment,
 Car noz pechés, sans fin, méritent aigrement
 Plus de punition. Mais Dieu cômme vn bon Sire,
 Et Pere tres-benin, par douceur nous attire,
 Nous visitant, ça bas, d'un leger chastiment.

Mesmes il nous enseigne eviter les dangers
 De la Mort pour vn tēps: & les redant legers,
 Tousiours se montre doux enuers les enfans siés.

Orez, pour nos garder de dangereuse Peste,
 Et de Dissenterie aux intestins moliste,
 Ce bon Dieu, par André, nous dōne les moyès.

Dieu est mon Fort.

A V LECTEUR.

Du mal contagieux de la Peste pourrie
 Maint pays, mainte ville & armée est perie,
 Sās qu'on y peust trouuer remede en l'univers:
 Instē punition des pechez, decouuers.
 Le remede est de Dieu, comme la maladie,
 Qu'André a esprouné de main sage & hardie,
 On soit peur recouurer, ou garder sa santé,
 Comme verras icy en ce petit treillé.

A. B.

DE LA PESTE ET
DE SA DIFFINITION.

CHAP. I.

Peste, est vng phlegmon *Diffini-*
venimeux & cõtagieux, *tion de la*
duquel, si le sang est *peste.*
aduste ou incineré, est
fait anthrax, ou carbo, en vulgaire
charbon. Et à la peste ou le char-
bon, le plus souuent est adiointe
la fieure continue, laquelle aucu-
nefois precede la peste, & le plus
souuent vient apres icelle. Les ac-
cidens communs qui aduiennent
en ceste dangereuse maladie, sont
vomissement causé par la matiere
venimeuse qui paruiet à l'esto-
mach, pesanteur de teste, sommeil
pesant & turbulent, par vapeurs
mauuais

mauuais & venimeux qui montét au cerueau.

Aussi aduient palpitation, ou tremblement de cœur, par iceux vapeurs corrompus qui paruiennent au cœur, & est ce batement ou palpitation vn mouuement insigne de la vertu expulsive, qui s'efforce d'expeller ce qui luy est contraire. Et differe la peste à vn autre phlegmō; en ce que le sang qui est deferé hors des vaisseaux, tient la nature du venin. Nous appellons en ce lieu venin, ce qui de sa propre substance est corruptif du corps humain, ou par sa qualité intense, cōme est le sublimé & l'opium: ou par sa nature cōtraire à celle du corps humain, cōme est la saluē d'vn chien enragé, & des serpens, & le ius de napellis, cicuta, & autres. Cōbien que les choses

*La cause
de la Peste.*

*Qu'est
venin.*

ses qui sont venin de toute leur substance, ne corrompent point le corps, sinon qu'en alterant les esprits, humeurs, & parties solides: & est nommé venin de la veine: pource que par les veines il s'insinue facilement. Et aussi differe la fièvre pestilentielle, des autres fièvres putrides par la cause interne, soit sang ou autre humeur, qui des lors a prins la nature de venin, par laquelle est alteré & mué le corps fort subitemét. Et est ceste maladie cōtagieuse, à raison que l'humeur putride estant au corps, iette les vapeurs infectes en l'air circonuoisin, & le gaste & infecte. Et lors que l'air infecté est attiré par quelqu'un, il corrompt & infecte les esprits, & les humeurs, lesquels il trouue plus prompts à recevoir putrefactiō. Et ne se faut

*Cōment la
fièvre pe-
stilentielle
differe de
autres.*

donner

d'ôner merueille, si l'air qui est subtil, aiât nature venimeuse, corrompt subit les esprits & humeurs du corps passible. Tout ainsi qu'une petite scintille de feu allume subit la paille & le bois sec. Et en tel cas, on doit admirer la sagacité de nature, laquelle de toute sa puissance, lors qu'elle sent les esprits & humeurs corrompus, fait son deuoir d'expeller iceux, le plus loing qu'elle peut des parties principales: dont d'iceux sont engendrez, le phlegmô & les anthrax ou charbons, lesquels ont pour leurs accidés propres, tumeur, rougeur, douleur, avec renitence au poux. Et a le phlegmô venimeux ses différences, côme les autres apostumes de l'humeur predominant, & complicqué avec le sang. Et la curation du phlegmon contagieux, a vne cômune indication, comme

ont

*Curation
methodi-
que.*

ont les autres: c'est assauoir euacuation de la matiere contenue en la partie affligee. Et la diuersité d'icelle euacuation doit estre changee, selon la diuersité des particules patiêtes. Et ladiçte euacuation quant est en soy, peut aussi bien estre cause de grand mal, comme de grand bien. Car il est certain que c'est vne cômune indication que d'euacuer en tel cas. Mais par quelle partie & cômment, la partie affligee l'enseigne. Et sur ceste indication errent grandement ceux qui sont peu exercez en l'art de Chirurgie: à cause qu'ils pensent que telle reuulsion doit estre faite au phlegmon venimeux, comme à celui qui n'est point venimeux. Et ordinairement aduient, que celui qui est touché de la peste, enuoye querir le chirurgien pour estre sai-

*Indication
prise de
la partie
blessée.*

gné, aiant grand espoir que la phlebotomie luy est vtile. Mais le patient & le chirurgien indocte, ignorent que la phlebotomie mal faicte & sans iugemēt, est cause de la mort du patient : & que, si ladicte phlebotomie est bien faicte, & cōme il appartient, elle est cause de la santé d'iceluy. Exemple : Si vn phlegmon non venimeux a occupé les parties des aïnes, ou des hanches, c'est bōne & louable reuulsion d'ouurir la basilique du bras, du costé affligé : mais en pestilente condition, telle reuulsion est fort nuisible : car en ce cas faut ouurir la saphene vers le genouil, ou vers le pied de la partie offensee, laquelle correspond directement à la partie affligee, & tire le sang & autres humeurs venimeux arriere des parties nobles. Et ceste

indica

Exēple.

indication est prise de la nature & condition de la maladie. Et de ceste phlebotomie nous en parlerons plus amplement en la partie suiuanté, qui traite de la pratique ou partie operante.

Indication de la nature du mal.

Des prognostiques de ceste maladie. Chap. II.

QUand anciennemēt ceste maladie contagieuse regnoit, le cōmun peūple pensoit qu'elle auoit esté enuoyee diuinemēt pour punir les pechez des hommes vicieux, cōme appert parce qu'escriit Homere en son premier liure des Iliades, qui refere cōme la peste qui aduint au camp des Grecz, prouenoit à cause que Apollo estoit courroucé de l'offence qu'auoit faict Agamēnon en rauissant & tenant par force la belle Chriseis, fille du grand prestre d'iceluy

nommé Chryses. Et de tel cas pou-
 uons prendre exemple en l'ancien
 Testamēt de l'offence du Roy Da-
 uid, par laquelle fut immise la pe-
 ste en Iudee, sur les subiects d'ice-
 luy. Et de ce n'en faut faire doute:
 car ce monde inferieur est perpe-
 tuellement dirigé par la puissance
 diuine, laquelle conduit toutes
 choses, & punit diuersement ceux
 qui ne veulent delaisser leur vie
 peruerse & inique. Mais Hippo-
 crates nostre bon pere, lequel a
 semé la bonne semence de vraie
 doctrine, & a mis les premiers fon-
 demens de la medecine: laquelle
 semence a esté cultiuee diligen-
 ment par grand iugemēt & labeur
 continuel par Galien, homme ab-
 solumēt en toute bonne doctrine, le-
 quel a illustré, & mis en grad hon-
 neur les escrits d'iceluy. Et d'auan-
 taige

*Diuine
 providen-
 ce.*

taige a posé, & mis avec vraye raison la vraye cōstitution de l'art de médecine. Et apres a pourſuit avec grand zele du prouit public la médecine pour la conduire à perfection, non ſeulement par la partie Theorique, mais auſſi par la partie operatiue. Hippocrates & Galien ont eſcrit & parlé de la cauſe des maladies: Que non ſeulement elles ſont enuoies de Dieu: ains ſelon qu'elles procedent naturellement par cauſes naturelles, ils cognoiſſoient le corps humain eſtre ſubiect à diuerſes alteratiōs, & que neceſſairement nous faut attirer l'air tel qu'il eſt. Et quand il eſt corrompu, il corrompt les eſprits, puis le ſang, & conſequemment les autres humeurs. D'où ſ'enſuit la fièvre cōtinuë, les phlegmons & anthrax ou charbons. Et

Conſtitution de l'art de Médecine

Nocum de l'air corrompu

en ceste dangereuse maladie, il en meurt plus, qu'il n'en eschappe. Et de ceste chose, rend bonne raison Hippocrates en son premier liure des Epidemies disant: *Cruda uerò & incocta, atque in malos abscessus cōuersa, aut acrisias, aut labores, aut diurnitatem indicant.* Et Galien exposant ce passage dit, que tout ainsi que les bonnes concoctions se font quād nature surmōte les causes des maladies. Aussi quand icelle ne les peut surmonter, aduient le cōtraire: car la concoction nous mōstre tousiours bonne termination des maladies par bonne crise, & bonne sequestration des humeurs pechans. Mais en ce cas, bié peu souuent apparoissent les signes de cōcoction ou de vraie crise. Car, combien qu'il suruienne vomissement de matiere corrompue, principalement

Causes de
mort.

lemét de cholere, flux de sang par les narines, sueurs & egestions fetides: iceux accidens ne sont point critiques: mais symptomatiques, ou accidentaires: nature non ayant puissance de faire la concoction, côme elle voudroit bien, à cause de la malignité des humeurs corrompus. Et quâd le bubo pestilent ou anthrax apparoit au corps humain, avant que la fièvre y apparaisse, c'est meilleur signe, que quâd la fièvre apparoit premiere: car la vertu expulsive s'efforce de ietter arriere des parties nobles les humeurs corrompus, en les expulsant du cêtre du corps aux parties superficielles d'iceux. Et en ce cas les passions de l'ame aux timides & craintifs, rendent la maladie plus pernicieuse. Et en iceux les esprits vitaux sont en brief côme elle voudroit bien, à cause

*Accidens
divers.*

*Accela-
tion de
mort.*

temps suffoquez. Mais ceux qui prennent bon courage, mettent ordre en leur maniere de viure, & ont fiance aux bons remedes, & recourent à iceux. Et bien souuent sont gardés & conduits à bonne santé. En ceste maladie, qui est fort aigue & dangereuse, ceux qui doiuent mourir viennent à terminer le plus souuent deuant le septieme iour, & plustost deuant le quatriesme. Ceux qui paruiénent iusques au quatorziesme iour, la plus part eschappent le danger de la mort. Ceux ausquelz suruiénét plusieurs taches rouges, ou de couleur de pourpre, quasi tous meurent en brief temps, apres l'apparence d'icelles. Et en region chaude, & en temps d'esté, en corps cholériques ceste maladie est plustost terminee qu'es dispositions contraires: Et

veri

veritablement tous ceux qui sont
touchez de ceste maladie, doiuent
principalement auoir leur espoir
à l'autheur de vie, par la mort du-
quel sommes tous viuifiez, & con- *Recours*
duicts au lieu de vie perpetuelle, *à Dieu.*
qui remet en santé les pources pa-
tiens, qui ont ferme foy & bon es-
poir en luy. Auquel soit honneur
& gloire a iamais.

*La prophylactique, ou partie preser-
uative. Chap. II II I.*

Il y a vng prouerbe cōmun que *Prouerbe*
on allegue souuent en conditiō *commun.*
pestilente, leq̃l dit: fuir tost, loing,
& tard reuenir. Et combien qu'il
soit veritable, il contient en foy
plus de terreur que de conseil: &
sert plus à ceux qui sont en leur li-
berté, & timides, qu'à ceux qui
sont subiects. Car le Gendarme
ne peult abandonner son camp, &

le marchand ne veut abandonner sa marchandise & son bien. Aufquelz sera tresutile ceste partie preseruative, laquelle fut cause de eriger vne image d'airain en l'honneur d'Hippocrates, par ceux de Coo, à cause qu'il les auoit deliurez du d'anger de la peste.

Donques, à l'aide du createur, pour commencer ceste partie, incontinét qu'on voit que ceste maladie cōmence à pulluler en quelquelieu, la premiere chose qu'on doit faire, est qu'on doibt cōsiderer si on a le corps pletoric, ou cacochime, aiant abondance d'humeurs: soit qu'ilz soient bons, ou mauuais, afin qu'on puisse eua cuer les humeurs pechans en quantité, ou en qualité. Et en ce cas on doit tousiours auoir recours aux medecins doctes & bien exercités,

L'honneur de
Hippocrates.

Recours
aux me-
decins ex-
pertz.

tés, afin d'auoir bon conseil touchant l'euacuation d'iceux. Car la medecine, donnee imprudemment, seroit beaucoup plus nuisible que vtile. Et pour ceste cause les bateleurs, triacleurs, & védeurs d'eau de vie, qui au grand detrimement de la republique, abusent iournellement le peuple, doiuent estre bannis & expulsés des bonnes villes à cause des abus commis par eux. Car ils font cause de la mort des pources patiés, en leur baillât choses venimeuses, pour choses vtilles & cordiales. Et en ce cas les Gouuerneurs, Lieutenans, Maires & capitaines des villes, y doiuent donner ordre. Autrement ilz en rendront compte deuant Dieu. Et suis

*L'expulsion des
abuseurs.*

*Vsance
d'eau de
vie.*

ge au foye: laquelle peut tellemēt corrompre les humeurs, qu'elle sera cause de la generation de la peste, de dysenterie, de lepre, & plusieurs aultres especes de maladies.

Parquoy telles pestes doiuent estre extirpees arriere du peuple. Quāt

*Raison
de viure.*

à la raison du viure, elle doit estre instituee au cōtraire de la corruption de l'air, & doit estre de viandes de bon nourrissement & facile

*La chair
vne.*

le concoction & conuersion. Cōme sont chappōs, poules, perdrix, leuraux, lappins, tourterelles, phaisans, poules d'Inde, moutō, veau, cheureaux rotis mangez avec les oranges, verdins, vinaigre, avec vng petit de canelle, ius de vinette. Et en yuer, avec vng petit de vin, avec lequel on aura mis vng petit de poudre de macis, & vng petit de sucre. Les poissōs les plus

*Poissōs
vtils.*

vtils

vtiles sont, Brochetz, Perches, Rochettes, Gouions, Vandoises, Truites, Solles, Rougets, Merlus, & Limandes. Et sont trop plus vtiles rostis que bouilliz. Et mangés en Esté, avec le ius d'orange ou d'ozeille : & en yuer, avec muscade, canelle, macis, & gingembre. On doit euer tous poissons limonneux & de facile corruption, comme Anguilles, Plies, Loches, Harans, Saulmons frais, & aussi tous poissons salez. On doit yser en portages souuent de cerfeuil, persil, vinette, bortage, buglose, & mettre avec le vin tremper de la pimpenelle. En temps d'hyuer est bon de mettre cuire avec la chair, origan, sauge, hysope, serpillū, qu'on nomme poulieul des champs, marjolaine, feuilles de laurier: en Esté on mettra des laitues, de la cicho-

*Herbes
vtiles se-
lō le tēps*

rec domestique, nommee scariole,
de la patience, & du pourpied. Le
pain, soit moien entre le bis & le
blanc, bien accoustré, léger, & fer-
menté moiennement, cuit du soir,
& mangé le lendemain, apres qu'il
sera paré, en ostant la partie adu-
ste de la premiere crouste. Quant
au boire, fault considerer la cou-
stume. Ceux qui ont acoustumé
de boire vin, en yuer ilz doiuent
boire du bon vin, modestement.
En esté, doiuent boire du petit vin
qui soit vn petit stiptic ou verde-
let, avec de l'eauë selon qu'on a
acoustumé. Et lors soient delaissez
tous vins doux, & vins puissans.
Quant aux fruiets, il faut eiter
tous fruiets humides, & putrefa-
cibles comme sont concombres,
pepons, melons, poires, prunes &
cerises douces, pesches & meures.

Le pain.

*Fru:cts
nuissans.*

Et est bon d'vser de ceux qui sont acides, ou vn petit aigres ou furs, comme sont les cerises rouges & franches : les petis damas : Les pommes de Malignes, & les Grenades non douces, mais aigrettes : & les Orenge & citrons en salade avec eau rose & sucre sont vti- *Fruitz vtils.* les. A la fin du repas, sont vtils les poires cuites vn petit sucrees. Et en temps de peste n'est besoing de grande diuersité de viandes : A cause que la multitude produit crudité & abondance d'humeurs. Touchât de l'air où on demeure, il doit estre sec, ou par soy ou par artifice. Parquoy est vtile d'auoir feu de bois sec & odoriferant, en Esté au matin & au soir : En temps froid *Condition de l'air.* toute la iournee : Et est tresbon de mettre en la chābre dedans vn rechaufoir du feu, sus lequel on doit met

Choses de
b^e odeur.

Tablettes
pour le
temps
d'Esté.

mettre quelque parfum de bon odeur, comme storax calamite, benioin, cloux de girofles, & ce du matin & du soir en hyuer. Et en Esté faut espandre rozes, feuilles de vignes, des ioncs, des branches d'ulmeaux, de chesnes, & saulx. Quant aux remedes preseruatifz ceste ordonnance sequente en forme de lozanges ou tablettes, est fort vtile tout le temps d'esté, en vsant d'icelles vne du matin deuant mager deux ou trois heures.

Cornu cerui usti, margaritarum, coralli rubei, seminis citri, rasuræ eboris, Seminis acetoſæ, santali citrini, an. partes æquales: Radicis angelicæ octauam partem unius prædictorum: sacchari in aqua rosarum dissoluti quantum satis est: formentur tabulæ ponderis unius drachmæ, quibus utendum ut diximus. Et en téps froid l'vsance de l'electuaire sequent

quent est tresbon.

Seminis ocimi, corticis citri, radicis
zedoariae, enule campanae, cornu ceruini
usti, radicis tormentille, cinnamomi ele-
cti, macis, partes aequales: radicis angeli-
cae tertiam partem unius predictorum,
sacchari in aqua melissae dissoluti, quan-
tum satis est: formetur electuarium in ta-
bularum ponderis drachmae unius. De ces
tablettes il suffit d'en prendre vne
du matin, comme est dict des au-
tres. Ces deux aydes sont tresuti-
les & bien approuuees: Parquoy
n'est besoing de multiplier plu-
sieurs ordonnances. Et quand on
passe, ou que l'on demeure en quel
que lieu suspect, est bon de tenir
en la bouche du macis, ou de la
racine d'angelica, ou de zedoaria.
Et ne faut oublier que les pillules
de Ruffus sont tresbonnes, pour
preserver de la peste: & est la vraie

Electuai-
re en tēps
froid.

description des pillules communes visuales par tout, moyennant qu'à la description d'icelles, on adiouste du gomme ammoniac, à la quâtité de la moitié de l'vn des simples, autrement ne sont point de la vraie compositiō de Ruffus. Parquoy l'ordonnance soit en telle forme.

*Pillules
de Ruffus
sont fort
utiles.*

Croci, myrrha, aloes, partes equales: gummi ammomaci, partem unius prædictorum, dimidiam: syrupi acetositis citri, quātum satis est ad ea comprehendenda: singantur catapotia, quibus utendū mane duobus vel tribus, longe a pastu. Ces pillules sont louées quasi de tous les anciens docteurs: parquoy on les doit auoir en grande estime, comme vn remede bien approuué. Mais certes, elles sont plus vtilies en temps froid ou modéré qu'en temps chaud. En esté est tresbon

vser

vser du matin des noix verdes confites en succe, des mirabolans, des fleurs d'oranges. Et enyuer des racines de emula campana & noix muscades confites. Et est chose fort vtile en temps chauld d'vser souuent des sirops qui sont aceteux, comme est sirop de limonibus, de succo acetosæ, de acetositate citri, de granatis acidis, & acetosi simplicis. Et l'vsance d'iceux sirops doit estre vne cuillerée ou deux, loing du manger. Et quand il faiet fort chaud, est bon d'en mettre vne cuillerée en vn verre d'eaue venât du puis, ou de la fontaine, & la boire ainsi froide. Outre les aides dessusdicts, en la grace des poutres gens qui desirent auoir secours presentement, & de petit prix, suis d'aduis qu'en réps chauld, ils vsent de bolus armenus

*Sirops
cides pe
temps
chaud.*

*Rem
pour
poutre*

laué en eau rose; ou en ius d'oren-
ge & seché au soleil. Et en temps
froid prendront pour preseruatif
theriaque de Galien ou Androma-
chus, à laquelle auons adiousté la
quarre partie d'vn des simples d'i-
celle de racine d'angelica. Et sera
la composition fort bonne en ce-
ste forme:

R. Myrrhæ, gentianæ, baccarum lauri,
aristolochiæ rotundæ partes æquales: radi-
cis angelicæ, partem quartam unius prædi-
ctorum: mellis bulliti ex decoctione be-
tonicæ, & bene despiamati quantum sa-
tis est.

Soit faicte en forme d'opiate se-
lon l'art. Ceste confection & opia-
te est aussi fort vtile & nécessaire
contre tout venin de bestes & her-
bes venimeuses. Et ne doiuent ia-
mais les gens des villages qui ont
bestial à gouuerner estre sans icel-
le

le: Car souuent les cheuaux, les
bœufz, & vaches mangent choses
venimeuses, dont viennent à mou-
rir: Ausquels on doit donner d'i-
celle cōfectiō avec du vin chaud:
Laquelle gardera les bestes de
mourir, à laide du createur auquel
soit honneur & gloire eternelle-
ment par Iesus Christ son seul fils
nostre Seigneur. Ainsi soit il.

Pour le
Rustiq-
ues.

La curation de la peste ou charbon.

Chap. IIII.

INcontinant que quelcū se sent
touché de la peste, premieremēt
se doit humilier enuers l'auteur
de vie Iesus Christ, en luy deman-
dant pardon de ses offenses, & re-
querant humblement sa grace:
Puis doit recourir aux aides vti-
les. Et auons trouué vtile d'vser
au commencement, de la deco-
ction de chardon benist, de racine

Deo. octi. d
vtilité au
commen-
cement.

de iarus, ou de la semence, & racine d'aristolochia rotunda, bouillis en eaue avec vn petit de vin blanc: & en faut prendre tiede environ vn verre plein, puis soy faire couvrir & suer. Et si le patient le vomit, on doit reiterer ladicte potion, & derechef soy faire suer. Apres qu'il aura sué, se doit faire essuyer: puis prendre vne cuilleree de sirop de acetositate citri, ou de limonibus, ou acetosi simplicis. Et si le patient est riche, & qu'il puisse recouurer de la bonne licorne: Il en fera limer, & prendra de la pouldre la quantité de dix ou douze grains pesât, avec vne cuilleree de sirop de rozes simple. Ou bien prendra la potion sequente en temps chaud.

R. Pulueris electuarij bezeraici scrup.
i. pulueris electuarij de bolo, & dia margariti

gariti frigidi an. drach. s. Sirupi acetosif-
tatis citri unc. 1. aquarum acetosæ & en-
diuie an. unc. 2. fiat potio quæ detur tem-
pore calido.

Et pour le temps froid prendra
la potion sequente.

R. Confectionis de iacintha drach. s.
pulueris de gemmis scrup. s. sirupi de pru-
nis bene olentis unc. 1. pulueris diamargan-
titi frigidi & trium santalorum an. scrup. 1.
aquarum scabiosæ & buglossæ an. unc. 2.
fiat potio.

Et pour le remblement & pal-
pitation de cœur faut faire l'epi-
thime suyuant.

R. Trium santalorum ana drach. 3. ro-
sarium rubearum scrup. 4. floris buglossæ
& nenupharis ana. p. s. de corde cerui os-
tium, coralli rubei drach. 2. granorū tin-
ctorum, foliorū melissæ, & cicborij ana
scrup. 1. trociscorum de camphora drac. s.
uni albi odoriferi unc. 2. aquarū acetosæ,

buglosse, & enduite au.unc.8. cōmifecantur & fiat epithima.

Potien
contre la
peste ou
harbon.
Clistere.

En telle confection tu tremperas des pieces d'escarlate, lesquelles chaüdes tu mettras sur la region du cœur. Et apres se doit garder de dormir lors. Peu de tēps apres, doit le patient prendre vn clistere laxatif, pour attirer les excremes arriere des parties nobles. Et s'il ne luy est possible d'auoir ledict clistere, & qu'il soit dur de ventre, il prendra drachme & demie de bonne reubarbe, avecq. deux onces de sirop d'infusion de rozes. Et apres que la medicine aura faict son operation: faudra faire phlebotomie en la forme qui s'ensuit. C'est a scauoir si le phlegmon ou l'anthrax est aux emunctoraires du cueur desloubz les aisselles, faudra ouurir la basitique du

du bras mesme où est la peste, ou anthrax. Et si la peste est aux emun- *Saignee à noter.*
ctoires du foye, qui sont les aïs-
nes, faut ouurir la saphene, ou vei-
ne du iarret, du costé mesme où re-
side la peste. Et si la peste ou an-
thrax est aux emunctoires du cer-
veau, au lieu de phlebotomie, fau-
dra appliquer plusieurs ventoses
sus le col, & sus les espaulles, fai-
sant scarification profonde, & at-
tirer bonne quantité de sang. Puis
sera besoing que le patient se gar-
de de dormir le plus qu'il luy sera
possible, au moins trois ou qua-
tre heures, afin que l'esprit vital
ne soit suffoqué au cœur par va-
peurs venimeux. Et si l'anthrax est
à la face, feras pareillement. Et si
l'anthrax occupe quelque partie
de la poitrine, faut entamer la vei-
ne au bras la plus correspondante

à la partie affligée : S'il se monstre au ventre inferieur, ou aux costes, ou aux fesses, on doit ouurir la veine nommee vena poplitis, qui se mostre au dessous du genoil, ou la saphene : & tousiours du costé ou est assise la peste ou l'áthrax. Et faut tousiours tirer du sang moyennemét, selon l'aage & la vertu du patient. Et si le patient ne pouroit recouuer de chirurgien pour estre saigné, lors doit prendre des cantharides mises en pouldre : & les mettre sus emplastre faict de leuain : & l'appliquer trois ou quatre doits, plus bas que n'est le phlegmon pestifere ou l'anthrax. Et tousiours en tirant arriere des parties nobles. D'ócques, s'il sont situez aux aisselles, faut appliquer ledict emplastre sus la partie domestique du bras mesme com-

me

*Applica-
tion de
canthari-
des.*

CONTRE LA PESTE. 43

me est dict. Et s'ils sont situez aux
aisnes, tu doibs aplicquer ledict
emplastre sus la cuisse, à la partie
domestique. Et s'ils sont assis des-
sous les oreilles, est bon de l'ap-
plicquer sus les muscles tirant vers
la nuque. Et quand ledict empla-
stre aura faict la vessication, com-
me cinq ou six heures apres l'ap-
plication, faudra percer les vessies,
& les laisser conler, & tenir le lieu
ouuert, en mettant sus des fueilles
de choux. Et si le patient est en lieu
où il ne peut recouurer des cantha-
rides, au lieu d'icelles, il prendra
des fueilles d'elleborus niger, ou
de la racine & fueilles de la cin-
quiesme espee de ranunculus qui
a la racine grosse comme vn petit
oignon (de laquelle les gros co-
quins & maraux, se font des plaies
aux bras & aux iambes) de l'vne
d'icel

*Rem. des
vlcera*

152

d'icelles herbes pillee fera emplastre, & la mettra ainsi qu'il est dict des cantharides : & la laissera sus, vne nuit ou iour. Et lors y aura plaie laquelle iettera de la matiere virulente en abondance, en attirant icelle arriere des parties nobles. Et ces remedes tant des cantharides, que desdictes herbes, sont aussi vtils à ceux qui auront esté seignés pour la cause dite. Et à cause que lesdictes herbes font vlcere douloureux, faudra appliquer autour vnguent doux pour seder la douleur : comme celuy qui est fait d'une partie de gratia Dei, & de album rasis camphoratum. Et dessus le bubo pestilēt ou anthrax, on ne doit iamais appliquer choses repercussives : mais choses qui doucement cōduisent iceux à maturité, aiant propriété d'attirer la matie

*Applica
tion sur
anthrax.*

matiere venimeuse, comme est emplastre fait de scabieuse, de vinet-
te, racines de lis cuites soubz la
braise, avec lesquels on adioustera
le iaune d'un œuf, & vn petit de
saffran. De mesme effect est empla-
stre fait de seneçon, mauues, raci-
nes de sigillum beate Marie, cuites
comme dessus, & meslees avec le
iaune d'un œuf, & beurre sans sel.
Aussi est bon faire fomentation a-
vec lesdictes herbes & racines, &
après qu'on aura fomenté, appli-
quer emplastre de diachilon ma-
gnum, remolli avec mucillage de
semence de fenugrec, & principa-
lement sus les anthrax. On a trou-
ué souuent grande vtilité de pren-
dre vn coq, ou vne poulle, ou ca-
nart, ou vn coullón, ausquels on
ostoit les plumes d'enuiró le cul,
puis on mettoit le cul d'iceux sus
la

Diachilo.

la peste : Par ce moien on attiroit la matiere venimeuse au dehors. Iceux animaux doiuent estre en terre subit afin qu'ils n'infectent l'air. Ceux qui les iettent par les rues, sont dignes de cruelle mort, à cause que les gens sains sont infectez par iceux. Aussi faut faire guet sur aucuns meschans qui gettent par les rues linge, bouquetz, emplastres, & autres choses infectees, & les punir comme homicides. Quant à l'aposteme pestilent, lors qu'on void qu'il vient à supuration, ne faut point attendre la parfaite maturation, mais la faut ouurir vn petit deuant icelle. Et lors qu'il sera ouuert, on doit appliquer quelque digestif qui ait vn petit de deterfion, comme celuy qui est faict de terebenthine, le iauue de l'œuf, & vn petit de miel, & de

*Cōtre les
meschans
infecteurs.*

Digestif.

de farine d'orge. Apres on peut
traitter ces anthrax ou bubo pesti-
let, ainsi que les autres phlegmós.
Mais à cause que l'anthrax pestife-
ré faict escarre ou crouste, sera vtil
d'appliquer choses de grande at-
traction: Et leur faire bonne ou-
nerture en applicquant au milieu
d'iceux poudre de chantarides,
dissoute avec le miel, & ianne d'un
œuf, ou vnguent *Egyptiacum*: &
par dessus emplastrum diachilon
cum gummis. Et pour faire tum-
ber l'escarre induite par iceux ai-
des, on doit appliquer beurre sans
sel, grasse d'oison ou de chappó,
ou quelque mucillage: puis faut
mundifier le lieu, avec mundifica-
tif de appio de Guidon, ou de le-
han de Vigo. Apres la mundifica-
tion, quant aux progres de la cu-
ration, on pourra proceder com-

Pour fa-
re tombe
l'Escarre

me aux autres phlegmós. Et en ce cas en temps froid est bon de faire feu de bois odoriferat, comme laurier, gencure, sapin, chesne, rosmarin, & faire fumigation de choses chaudes & odoriferentes comme de giroffles, storax calamite, benioin, oliban. Et en temps chaud sera vtil mettre en la chambre du patient des branches de saulx, des roseaux, des ioncs, fueilles de vignes, vlmeau, & roses. Et en tout temps est bon le feu du soir & du matin. Et est prouffitable que le patient tiegne en temps chaud ou moderé, vn linge humecté en eue rose, avec laquelle on aura mis vn petit de vinaigre, & de bon vin, & vn petit de poudre de giroffles. En temps froid, on prendra du vin de bon odeur, avec bonne quantité de giroffles, & de macis mis en poudre:

Feu de
bois odo-
riferant
en temps
froid.

En tēps
chaud.

Pour odo-
rer.

seruer, ainsi qu'auons escript en la
partie preseruatiue. Et par tout
le decours de la maladie, le patient
pourra vser de l'Electuaire sequent
en la forme que sensuit.

R. Cardī benedicti siccati, seminis ci-
tri, flagrantium hiacinthorum, pulueris
testæ cancri fluuialis, ossis de corde cerui,
margaritarum, croci, macis, cinamomi se-
lecti, rasuræ eboris, partes æquales: radicis
imperatorie siue angelicæ, partem dimi-
diam unius prædictorū, sacchari in aqua
buglossæ dissoluti, quantum satis est: for-
metur electuariū in tabulas ponderis unius
denarij.

Le moien d'vser de ces tablettes,
est d'en prédre vne du matin deux
ou trois heures deuant desjeuner, ou
deuant le soupper, & sont aussi vti-
les pour la preseruatiou, en confor-
tant le cœur, le cerueau, & l'esto-
mach. Ceux qui ne peuuent auoir
ce remede, prendront souuent du
bolus

Electuai-
re utile
en tout
temps.

CONTRE LA PESTE. SI

bolus Armenus: en eau rose laué
& seiche, avec la dixieme partie de
racine d'angelica: en yuer, avec vng
petit de vin: Et en esté avec eau de
vinette ou decoction d'icelle. On
pourra aussi vser de ladicte pou-
dre, avec le double d'icelle de su-
cre rosat: les pources auront recours
à la tiriaque diatessaron en yuer:
& en esté & temps modere à ladi-
cte poudre. Et quant à la purgatió
la reubarbe en esté est fort excellé-
te donnee en deuë quantité: & en
yuer l'aloës & hierapicra Galeni.
Et pour les pources les pillules cō-
munes escrites en la partie preser-
uatiue. Et ne suis d'aduis qu'on v-
se de la pillule de Iean de Vigo, ou
il entre du precipitatum, ny en ce-
ste maladie, ny en autre: car elle
est venimeuse destruisant l'esprit
vital, euacuant les bōnes humeurs

*Pour les
pources.*

*Pillules a
reietter.*

auec les mauuais. Plustost ie suis
d'aduis que le patient vse de l'an-
timoine préparé comme sera dit en
la secôde partie du present Traité.
Le sirop faict de plusieurs infusiôs
de roses, donné à la quantité de
deux ou trois onces, auec vne dra-
chme ou deux de bon renbarbe, est
vng remede excellent en este, &
temps modéré. Les pillules impe-
riales sont bonnes en tout temps,
& doiuent estre prinſes du matin
long temps deuant le manger. A-
pres la phlebotomie, & la purgatiô
faicte par art, ou par nature, est cho-
se singuliere & bié approuuee d'y-
ser du remede sequent lequel pro-
noque à ſuer abondamment. C'est
qu'il faut prendre vn quarterô du
bois nommé gaiacum, demi quar-
teron de l'escorce d'iceluy, de la ra-
cine de chardon ſaincte Marie, qui
est

*Decolliô
rile.*

est rascheté de blanc, qu'on appelle aussi cardo maculatus, vne once: racine de bluglose, & de pimpenelle, de chacune demye once, des feuilles de chardon benist vne poignée: on fera bouillir le tout en deux potz d'eau, à petit feu, tant qu'ils viendront à moins d'un pot: lors on y adiousterà vne pinte de vin blanc petit & odoriferant, & le faudra faire bouillir derechef vn bouillon, & laisser le tout ensemble cinq ou six heures, puis le couler. Le moien d'vser de ce remede est, qu'il en faut prendre vn bovoirre, ou la quantité de six ou sept onces, moiennement chaud en son lit du matin ou du soir, loing du repas, & se faire couvrir assez fort. Et faut que le patient endure la sueur par l'espace d'une heure ou enuiron, s'il luy est possible: lors

*Remede
prouo-
quant à
suer.*

doit auoir quelqu'un qui l'essuye
doucement par tout le corps: & vne
heure apres, pourra mager quelque
viande de facile concoction, selon
la raison. En ce cas aduient souuent
treblement de cœur. Et lors, apres
auoir faict les remedes principaulx
est bon de epithimer la region du
cœur, avec eau de vinette & de ro-
ses. Avec lesquelles on mettra de
la poudre de macis, de santali citri-
ni, & vng petit de bon vin: puis
faut mouiller vne piece d'escarla-
te en ladicte liqueur tiede, & l'ap-
pliquer sur la regio du cœur deux
ou trois fois le iour, loin du man-
ger. En ceste maladie aduient sou-
uent grand vomissement, qui debili-
te l'estomach: pour subuenir lors a
la debilité de l'estomach, est vtile
de faire fomentation avec le vin
rouge, avec lequel on aura faict
bouillir

*Epithime
ordial.*

*Fomenta-
on pour
estomac.*

bouillir absynthium Romanum, roses, mariolaine, & fleurs de romarin. Puis incontinent apres sinapiser poudre de mastie & de macis. Et pour renocquer l'appetit perdu, en temps chaud ou modéré, le patient viera d'orenges avec eau rose & sucre, ou de pomes qui soient acides ou aigrettes, tranchees bien deliees; & mises en vng verre plein d'eau venant du puis, ou de la fontaine. Aussi en tout temps pourra vser d'olives bien dessalees. Pour obuier au somne profond, & pesanteur: derechef n'est chose plus ytile; que diuertir les vapeurs corrompus par clisteres assez forts & attractifz: cōme celuy qui est faict de mercuriale, avec brione & centauree, avec bone quantité de miel. On recouure de ces herbes facilement, & quasi en tout tēps: Et pour

Clister attractif.

cest affaire est bonne l'inuention des instrumens de cuir ronds aians deux formules de bois, à l'vne desquelles on peut mettre le canõ de l'instrument: Et ne se fault qu'asseoir doucement sus ledict instrument pour prendre ledict clistere sans aide d'autrui, ou bien d'un instrument de boys que l'on faict à Croustelles avecq' lequel le patient se le pourra bailler sans aide d'autrui, & sont les clisteres en tout temps vtils, tant pour la preseruatiõ que pour la curation. Et mettrons fin à ce craicté de Peste, en aduertissant le chirurgien qui veut aller en vng camp militaire, qu'il porte ce liurec avec soy pour se conduire selon la doctrine qu'auons donnee, & que le gẽdarmẽ porte avec soy de la racine de angelica, du macis entier, ou de la racine de zodoaria, pour
 tenir

*Instru-
mens pour
donner
clisteres.*

tenir souuent en sa bouche pour sa
 preseruatiō. Et qu'il porte du char-
 don benist, ou du chardon S. Ma-
 rie pour faire bouillir en eau avec
 vin blanc subtil & non doux, pour
 prendre lors qu'il est touché de la
 peste, se faisant couvrir & suer. Ce
 remede est fort vtile, mais plus pro-
 fitable apres la saignée, ou clistere,
 que deuant iceux. Je me suis arre-
 sté en ce cas à descrire les aides
 bien experimentez sans multiplier
 plusieurs ordonnances, qui indui-
 sent plustost confusion, qu'utilité:
 par lesquelz remedes, à l'aide de
 l'auteur de vie, nostre redempteur
 & preseruateur Iesus Christ, plu-
 sieurs ont esté & seront preser-
 ués, & guaris, auquel
 nous soit honneur & gloire,
 & gloire. Amen.

Dieu

A D V E R T I S S E M E N T

Au Lecteur sur le traité de
l'Antimoine.

A Pres auoir mis par escript
l'opinion théorique ; practi-
que ; & experience des meilleurs
& plus approuuez qui ont escript
de ceste maladie. l'ay bien voulu
adiouster ce que descript Mattheo-
lus de l'Antimoine, vous pouuant
asseurer que par les experiéces qui
en ont esté faictes, n'y a marque,
ny assurance dōnee de l'Auteur,
qui ne soit veritable, & en pour-
rions amener des exemples qui ont
esté ceste année mil cinq cens soi-
xante trois, depuis que ceste mala-
die a commencé en ceste ville de
Poictiers ; comme plusieurs en
pourroient rendre tesmoignage:
mais d'autant que l'Autheur est
croia

croïable sans autre approbation,
j'ay voulu seulement reciter les
propres mots dudit Autheur. Et
d'autant que chacun ne peut a-
voir les liures, il suffira pour ceux
qui n'ont le moyen de recueillir
cette fleur de ce grand iardin des
Simples, tant excellemment enri-
chy par ledict Mattheolus sur le
Dioscoride, voir le present traité
que nous auons adionsté pour te
oster & le labeur & les fraiz d'a-
chepter tout le grand ceuvre.

A Dieu amy Lecteur, & pren
en gré.

Traité

TRAITE DE L'ANTIMOINE.

Antimoine.



E bon Antimoine, est celui qui est fort luisant, & qui resplendit cōme font les vers luisans de nuit, qui aussi est crousteux quand on le rompt, n'ayant point de terre ny d'ordre meslee parmy, & qui se rompt aisement. Aucuns l'appellent stibi ou platiophthalmon: Il a vne vertu astringente. Et est propre à boucher & estoupper les conduictz du corps: il est refrigeratif, & si reprime toutes excroissances de chair, cicatrize tous vlcères, & modifie toutes putrefactions, & principalement les vlcères des yeux. Il estanche le sang prouenant des pellicules du cerueau: Et, pour le dire en vn mot, il a les mesmes proprietez

Les vertus de l'antimoine.

prietez que le plomb bruslé. Specialement toutesfois, il engarde qu'il ne s'enleue point de vessies quand on se brusle, l'appliquant dessus avec gresse fresche: appliqué avec cire & vn peu de ceruse, il faiet cicatrizer les vlcères où y a escarre.

Pour le brusler il le faut enucloper de paste, & le couvrir de charbon vif, iusques à ce que la crouste soit bruslee comme vn charbó. Puis le faut oster & l'esteindre avec laict de femme qui soit acouchée d'vn masle: ou avec vin vieux. On le brusle aussi le mettát sur le charbon vif, en le soufflant incessamment, iusques à ce qu'il s'enflamme: car si on le laisse par trop brusler, il se cōuertit en plób. On le laue comme le bronze, & la calamine aucuns le lauét comme on faiet l'escume du plomb.

Preparation.

Mattheolus sur le texte de Dioscoride parle ainsi:



Es. modernes, medecins, Alcumistes, & apoticaire, suiuaus les Arabes appel-

Où se
trouue le
bon An-
timoine.

lent le Stimmi. Antimonium. Car aussi Serapio & Auicenne l'appellent ainsi: Il y en plusieurs mines à l'entour de Senes. Et principalement à Massa & à Souana & au conté de Santa Fior auprès de Seluena ou Seue: le meilleur antimoine est d'Allemaigne: on apporte à Venise l'Antimoine fondu & mis en lingoz: les fondeurs de cloches dient que mettant quelque peu

A quel-
les mati-
res se joint
l'Anti-
moine.

d'Antimoine parmi la matiere des cloches quand on les fond il rend les cloches de meilleur son. L'Antimoine est bon aussi aux potiers d'estain, & à ceux qui font les miroirs d'acier, & aux fondeurs d'im-

...d'molq de ... i R prime

primerie. Au reste Brassauole dict qu'il n'y a autre difference entre le plomb & l'Antimoine, sinon que le plomb se fond aisement au feu, mais l'Antimoine non: Car il se reduict plustost en poudre que de fondre. En quoy il erre grandement, comme se peut veoir par l'experience ordinaire qui s'en fait. Car l'Antimoine se fond estant mis au feu ni plus ny moins que le plomb. Ce que i'ay plusieurs fois experimenté en la composition de l'huile d'Antimoine: duquel ie me serz grandement es fistules & vlceres malins & cauernes. Toutesfois pour redre l'Antimoine plus propre aux effectz que dessus, & pour le mieux purifier, il le conuient refondre plusieurs fois. Ce pendant ie veulx bien qu'un chacun saiche que nostre

*Opinion
de Brassauole fausse.*

Antimoine ne se fond.

*Huile
d'Antimoine.*

stre huile d'Antimoine n'est celle
 d'or vsent les Alchimistes pour fai-
 re la metamorphose d'argent en
 or, ainsi qu'ilz resuent: Ains est vn
 huile bien diuers. Et neantmoins
 ie peux asseurer que nostre huile
 rendra plus d'or que celsuy des Al-
 chimistes. Pour retourner donques
 à noz brisees, c'est grande folie de
 dire que l'Antimoine ne se peut
 fondre au feu. Car le mettant au
 creuset avec quelque metal que
 ce soit, fust fer ou acier, il les fera
 fondre plustost. Comme bien sca-
 uent ceux qui font les bouletz de
 fer pour l'artillerie, lesquelz ne
 viendroient iamais à bout de fon-
 dre le fer, comme il appartient, si
 n'y mesloient de l'Antimoine, ain-
 si qu'eux mesmes disent. Plin par-
 lant de l'Antimoine dict ainsi, Es
 mesmes mines d'argent on trouue

*Antimoi-
 ne propre
 pour fayer
 les bou-
 letz.*

*Opinion
 de Plin
 touchant
 l'Anti-
 moine.*

Une certaine pierre retirant, par maniere de dire, à vne escume blanche & luisante, laquelle neant moins n'est transparente. On l'appelle stimmi ou stibium, ou albastum, ou bien l'arbason. Il y en a de deux especes, asçauoir male, & femelle: toutesfois la femelle est estimee la meilleure: le male est plus aspre, plus rude, & plus sablonneux, & n'est si pesant, ne si resplendissant que la femelle. Au contraire la femelle est luisante, & fraille, & ne se rompt en pieces rondes, comme fait le male: ains se fend en lógueur. Voila ce qu'en dict Plin. Galien en parle aussi en ceste sorte, l'Antimoine est desiccatif, & astringent: & par ainsi il est bon meilé es medecines ordonnées pour le yeux, & es collires secz, & liquides. Voila qu'en dict

*Traité de
Antimoine.*

Galien. Au reste, l'Antimoine est fort laxatif, encores qu'il n'y ait auteur ancien, ny moderne qui s'en soit prins garde, excepté Theophraste, & Paracelsus. Et par ainsi il me semble que ie feray tresbien de mettre icy ce que i'ay veu & expérimenté: & ce que i'ay appris d'aucuns medecins sçauans & de bonne renommee, touchant les vertus de l'Antimoine. Et pour commancer l'Histoire, aduint que maistre André Gallus (Medecin fort renommé, & qui est au seruice de l'Empereur Ferdinand comme aussi ie suis) pour auoir trop estudié ou pour auoir trop veillé, tomba en vne inflammation d'estomach, du cœur & du pulmon, qui luy causoit vne telle soif, qu'il ne pouuoit le desalterer. D'auantage il auoit la languette, qui cou-

ure

*Histoire
notable
des vertus
de l'An-
timoine.*

ure le col du poulmon, enflée, & estoit son palais si sec, qu'à peine pouuoit il parler. Item il auoit vn battement & petillement de cœur si grand, que se resueillât de nuict, il pensoit que quelcun se promenant par sa chambre. D'ailleurs il auoit vn catharre qui luy tomboit du cerueau, dont il se craignoit fort : car souuentefois il l'auoit euidé estouffer. Ce grand amas de maladies, cōioinēt à vne grāde debilitation, demōstroīt qu'il y auoit du danger en sa personne, & principalement veu qu'il n'y auoit viāde où il peust prédre appetit pour le remettre sus, ou au moins pour le cōregarder & maintenir, ioint qu'il auoit vn goust fort mauuais, & retirāt au goust de charbon, toutes lesquelles choses demōstroīēt assez l'inflāmination qui le travail-

loit. Luy voiant que quelques medecines qu'il print, il n'amandoit en rien: ains demeueroit tousiours en vn estre, & ce au danger de sa vie, se souuenât d'auoir autresfois ouy dire au docteur George Haufdech, que l'Antimoine estoit fort propre, mesmes es maladies dangereuses, & qu'il l'auoit souuent esprooué (sans m'en rien communiquer) eut recours à l'Antimoine. Et l'ayant fait subtilement pulueriser & mesler avec sucre rosat, il en print seulement trois grains. Peu d'heure apres il sent que ceste medecine luy reuersoit l'estomac, luy causant quelque petite chaleur: & soudain commença à vomir quelques morceaux de viande comme il l'auoit prinse, encores qu'il n'eust souppé le iour precedent. Apres ce vomissement, sen-

suiuit

suivit vn autre semblable au prece-
 dent: Et pour le tiers vomissemēt,
 il ietta plus de quatre onces d'hu-
 meurs coleriques, & le tout en
 moins de demie heure Des lors il
 perdit toute la douleur qu'il auoit
 en l'estomac. Vne heure apres cela
 il fit trois selles toutes d'humours
 coleriques, amassees avec quelque
 peu d'humours grosses & visqueu-
 ses: Et pouuoit peser son opera-
 tion enuiron trois liures. Des là il
 perdit le bat du cœur, & furent ar-
 restees les fluxions du cerueau,
 ioinct que la languette du col du
 poulmon se desenfia soudain. Et
 par ce moien se trouua desalteré,
 & recouura l'appetit, & du depuis
 se porta tresbien rendant graces à
 Dieu, de l'auoir retiré de ceste dan-
 gereuse maladie par le moien de
 l'Antimoine. Il y a encores vne au-

Autre
histoire
cable
la ver
de
Anti-
moine.
contre la
ste.

tre histoire notable touchât le fait
de l'Antimoine, que m'a racompté
le surnommé George Aufdech:
qui est telle, Ledit maistre Geor-
ge, qui est homme de bon sçauoir,
estant frappé de peste, & fort de-
bilité, tant du battemēt de cœur,
difficulté d'alaine, douleur de te-
ste, que de la bosse mesme, qui luy
estoit sortie en l'aine gauche: ap-
prochant la nuit, comme entre
chien & loup, print trois grains
d'Antimoine, préparé avec sucre
rosat, comme dessus a esté dict.
Demye heure apres il commença
à vomir, & getta grande quantité
de flegmes & de colles blanches,
iaunes, & vertes: Et se trouua fort
allégé par ses vomissemens: car il
m'a dit que deslors il eut son sou-
fle à son aise, & eut perdu le bat-
tement de cœur. Apres ce vomis-
sement

lement s'ensuiuit vn flux de vêtre
 grâd qui le purgea par le bas, sans
 luy causer ny tranchées, ny au-
 tres fascheriës du corps. Et sou-
 dain apres il se sentit gueri & alle-
 gé de tous les traualx & douleurs
 que peut causer la peste: & en peu
 de tēps fut entierement, & plaine-
 ment gueri. Depuis i'en cognois
 plusieurs qui estans frappez de pe-
 ste ont esté gueris par ce medica-
 ment singulier, au grand estonne-
 ment de tout le môde. D'auâtage
 l'Antimoine est generalemēt bon
 à toutes maladies causcées d'hu-
 meurs melancoliques. Et princi-
 pallement à ceux qui ont les hipo-
 chondres, & flancz venteux & en-
 flez. Certes à Prague ville capi-
 tale de Bohème, i'ay veu vn Curé,
 qui par abondance d'humeurs me-
 lancolicques estoit deuenu fol, &

*Autres
 vertus de
 l'Antim-
 oine.*

*Histoire
 d'un curé
 malade.*

disoit de grâdes folies: Quelqu'un luy feit prédre douze grains d'Antimoine, préparé comme dessus; & vn peu apres il getta par le bas fort grande quantité d'humeurs melancoliques, où y auoit comme de raclures de chair, qui retiroient à varices coupees par tronçons, comme moymesmes veis (car ie fuz appellé pour veoir cela, comme vne chose miraculeuse.) Et estoient ces excremens fort noirs, retirans plustost à vn sang noir, qu'à autre humeur qui fut. Ce Capellan ce trouua si bien de ceste medecine, que le lendemain il eut l'entédemét aussi bon que iamais. Or estoit il hōme fort robuste & aiāt bon cœur: parquoy ne se fault estonner de ce qu'il peut suporter si grande quantité d'Antimoine sans sen sentir, combien que celuy
qui

qui luy en fit tant prédre fust fort
 hazardeux. L'antimoine est bon
 aussi à ceux qui sont elancez par
 longueur de fièvre : & à ceux qui
 ont difficulté d'aleine, & prin-
 cipalement quand ils sont asmati-
 ques. Il est bon aussi aux spasmes,
 & est profitable à ceux qui tombét
 du haut mal, aux letargiques, &
 aslopis, aux paralysies. & à la coli-
 que. Et y en a qui afferment que
 l'antimoine ne purge moins les
 corps humains de toutes superflui-
 tez & excremens, qu'il faict tous
 metaux, & ostilz faicts de metaulx
 esquelz il est meslé : mais neant-
 mois avant qu'en vser, il le faut
 preparer comme il appartient. Et
 parainfi i'ay bien voulu mettre icy
 la maniere de le preparer, qui est
 telle. Prenez du meilleur antimo-
 ne qui se pourra trouuer, qui cō-

*Pour d'
matique*

*Mal c
duc.*

*Prepar
tion du
bon
timoin*

me dit Dioscoride, soit fort luisant
& resplendissant comme les vers
qui laissent la nuit, qui aussi soit
fraisie & crousteux quand on le
rompt, & qui n'ait point de pierre
ny d'ordure meslee parmy: mettez
le en poudre laquelle mettez cal-
ciner en vn grand pot de terre sur
les charbons vifz à iour descou-
uert, le remuant tousiours avec
vne cuilliere de fer. Or faut noter
que quand on le calcine il iette
vne fumee subtile qui sent le souf-
fre & l'orpiment, laquelle entrant
dedans la bouche prouoque fort
à vomir. Et par ainsi faut, que ceux
qui le calcinent tournent le dos au
vent. Or faut il tousiours remuer
l'Antimoine, car qui cesseroit tant
soit peu, ou il se brusleroit, ou il se
fondroit & retourneroit en petiz
morceaux: toutesfois il n'est possi-
ble

tre (pour bien remuer qu'on sache) qu'il n'y en ait quelque piece qui se fonde : Ce que voiant, oste ton pot de dessus le feu : & reduiz en poudre ce que tu verras qui se sera amasse, & le remetz au mesme pot de terre remuant tousiours sans cesser, & faut continuer ceste besongne, iusques à ce qu'il n'y ait plus de graine amassees. Or faudra tousiours remuer ceste poudre iusqu'à ce qu'elle ait perdu sa lueur : & que toutes les vapeurs & mauuaises senteurs soient abolies & perdues : Et que l'Antimoine soit entierement calciné estant blanchastre, & ayant la couleur de cendre : Et pour cognoistre quand il sera assez calciné, faut getter de ceste poudre sur la braise viue, que s'il n'en sort point de fumee, c'est signe qu'il est parfaictement calciné.

né. Par apres prédras demye liu
de ceste poudre, vne once d'autre
Antimoine cru, demie once de bo
rax affiné, & pileras le borax, &
l'Antimoine cru: ce quayât faict,
messeras le tout ensemble, & le iet
teras en vn creuset d'orfeure: &
prédras vne tuille ou vn quareau
sur lequel mettras ton creuset l'en
uironnant de charbons ardans à
grande force: mais sur tout il se
faut prendre garde que ces choses
ne se bruslent. Et par ainsi il faut
auoir vne broche de fer pour met
tre dans le creuset quád tu verras
que le creuset sera rouge, à fin de
sçauoir si l'Antimoine est fondu
(car s'il se prend quelque chose à
la broche de fer, sera signe qu'il est
fondu) incontinent faudra racler
ce qui sera prins à la broche de fer,
qui doit estre blanc: Puis faut met

re derechef la broche dās le creu
 set, & faire comme dessus, iusqu'à
 ce que ce qu'on iaciera de la bro-
 che apparaisse roux, vif, & luisant.
 Ce que voiant il faut soudain le-
 uer le creuset avec les pinsettes, &
 ietter sur vn marbre ce qui est de-
 dans goutte à goutte : Lesquelles
 se congeleront incontinent, & de-
 uiendront comme de petites pier-
 res precieuses, & quasi semblables
 & en couleur, & en lueur, aux
 chrysopasses, & quelques fois aux
 grenaz. Tu garderas lesdictes pier-
 res, & quād tu en voudras yser re-
 duis les en poudre. Et en prens le
 poix de trois ou de quatre grains:
 combien qu'on en peut bien bail-
 ler d'auantaige à ceux qui sont de
 forte complexion : l'Antimoine
 ainsi preparé se prend volontiers
 avec sucre rosat, y mettāt quelque
 peu

*Remede
 contre la
 peste.*

de mastic. Voila quant aux proprietez de l'Antimoine qui sont grandes & singulieres. Et ce que j'en ay dit ie l'entens & l'ay aprins de M. André Gallus, homme de doctrine singuliere & de iugement parfait.

ADMONITION AV

*Lecteur, sur le traité de
Dysenterie.*



'Autant que sur la fin & declinaison de la maladie pestifere & contagieuse, & mesmes sur l'Automne, à cause des grandes chaleurs, qui ont consumé & defeché les humiditez des corps, tant par sueurs que par impression des chaleurs de l'air qui nous environne, à cause aussi du reste des humeurs adustes & brullez, mesmement pour les frain-

pour

pourrissans : a accoustumé pro-
ceder vne seconde maladie con-
tagieuse & perilleuse nommée Dis-
senterie : Pour à icelle remedier &
subuenir aux affligez, i'ay sembla-
blement assemblé l'opinion des
Chirurgiens les plus experts de
ceux qui me sont tombés entre les
mains, pour aider aux nouveaux
practiciens, & à ceux qui seroient
es lieux où il n'y a medecins au-
quels appartient l'exacte con-
noissance des maladies,
afin que les pources
en fussent se-

courus. **Trait**

TRAITE DE LA

Dysenterie, nommée par les Italiens Caquesangue.

CHAP. I.

EN ceste partie de ce petit liure nous mettrons la curation de la maladie contagieuse, nommée dysenteria, laquelle comme recite Galien au second de sa methode, a prins sa denomination de la partie, lesee: qui est couramment d'intestin; & principalement de celuy qui est dict rectum. Et commencerons la curation generale, laquelle consiste en vraye methode, par la diffinition d'icelle. D'isenterie proprement est vlceration des intestins avec douleur & avec egestion sanguinolente & est appelée caquesangue des Italiens, pour l'accidēt à cause des egestiōs

Diffinition de dysenterie.

me

reflées avec le sang. Ceste maladie est causée le plus souuent de cholere mordente, venant du foie, ou de tout le corps : laquelle en passant par les intestins les escorche & fait vlcération. Elle vient aucunes fois de cholere aduste, ou d'humeur melancolic, ou de flegme false. Celle qui prouient de cholere aduste ou suc melancholic est iugée mortelle d'Hippocrates, disant: *Dysenteria si à felle nigro incipiat, lethalis.* Et Galien exposant cest aphorisme dit que telz vlcères procedans de cholere noire sont tous malins & tiennent de la nature du cancer: Parquoy sont pernicioeux. Ceste maladie en vn camp a souuent son commencement de cause exterieure, comme l'vsance de viandes corrompues ou mal preparees, de l'eau infe-

*La cause
exterieu-*

*La cause
interne.*

ctée par putrefaction, de beste
mortes, & de l'air infecté & cha-
leur d'iceluy, spécialement en Au-
tomne, & par les corps humains
gisans sur la terre, ou à demy en-
terrés. Au commencement de ce-
ste maladie, la partie superficielle
des intestins est corrodée par l'a-
ctimonie de l'humeur pechant qui
passe par iceux: Et lors que la pre-
miere tunique d'iceux est crodée,
sont ouuertes les veines desquelles
sort le sang avec les excremens, &
aucunefois tout pur. Si les menus
ou graciles intestins sont vlcérés, la
douleur est plus vers la region du
fondz de l'estomach. Et si la mala-
die est aux gros intestins, la dou-
leur est plus vers le ventre, & est le
sang plus meslé avec les excremes:
La douleur est plus aigue, la fièvre
plus vehemente, la soif plus gran-
de

de. Et en ce cas, auoir discretion de *signes d'usifs.*
 sçauoir en quel lieu cōsiste ladicte
 maladie par les signes dessudiectz,
 est vraye methode. Car autrement
 doit estre guarie celle qui consiste *Gal. de la meth.*
 aux menus ou graciles intestins,
 que celle qui est aux gros intestins:
 Et est ceste indication prinse, de la
 situation de la partie lésée. Donc-
 ques celle des graciles intestins re-
 quiert estre guarie par medicamēs
 prins par la bouche: & celle qui
 cōsiste aux gros, par iniection faicte
 par clisteres. Et pource quel'essen-
 ce de ceste maladie consiste en so-
 lution de continuité: il est certain
 que pour sa curation, elle requiert
 vntiō des parties vlcérées, & pour
 icelle parfaire sont adhibez tous
 remedes: Et ce appartient à la par-
 tiē curatiue: Comme l'euacuation
 des humeurs mordans, qui décou-

Maniere
le procé-
der à la
curation.

rent à la partie lésée : qui peuuent
faire ou augmenter icelle maladie,
appartient à la partie preseruatue.
Doncques la curation de la mala-
faicte, sera parfaicte par les medica-
mens qui ont faculté & puissance
de reuinir & ioindre les parties se-
parees. Mais les vlceres qui sont la-
tés es parties interieures du corps,
requierent plus grande considera-
tion & diligéce, que ceux qui sont
euidens, & au dehors. Et deuant
que les aides prins par la bouche
paruiennent aux intestins: Ilz sont
diminuez de leur action & vertu.
Parquoy faut que les medicamens
soient de plus grande siccité &
vertu que s'ilz estoient immédia-
temēt applicqués sur ledits vlce-
res. Le medecin ou Chirurgien qui
considerera bien ces indications,
en obtiendra honneur, & les pources
patients en aurót le prouffit, moye-
nant

nant la grace de l'auteur de tout bien nostre redépteur Iesus Christ, auquel soit honneur & gloire à tout iamais. Amen.

S'ENSUIT LA PAR-

tie operative, ou pratique

de dissenterie, ou ca-

quesangue.

CHAP. II.



Vand ceste maladie commence, comme on doit connoistre par ces propres accidens. Lors on doit premier considerer si le corps abonde en sang: & si les vaisseaux sont répliz: & si ainsi est, c'est chose très vtile d'ouurir la basilique au bras droit en faisant petite ouuerture, afin que le sang subtil & la chole-re puissent sortir, & la reuulsion s'en puisse mieux faire. Et par ce moien est faiete bonne diuersion des humeurs qui pourroient aug-

menter ladicte maladie. Et suffit de tirer trois ou quatre onces de sang, pour ladicte reuulsion, afin que la vertu soit plus forte pour resister à la vehemence de ladicte maladie. Combien qu'en ce cas on n'ayt poinct acoustumé d'ouurir aucune veine, & qu'il semblera à plusieurs estre quelque paradoxe, touchant la curation de ceste maladie. Et si le medecin n'est point appellé au premier, au second iour que ladicte maladie aura inuadé le patient, ou que le patient soit craintif ou foible: lors on doit cōmander au patient qu'il viue sobremēt tant en boire comme en manger, en luy ostant le vin. Et est bon que le patient boiue eau bouillie ferree, avec quelque sirop adstringēt, comme est celui de mirtilles, de berberis, ou de cidonies, ou eau ferree blanchie avecq' amēdes: Le
laict

laict d'amendes preparé d'eau fer-
 rée bien substancieux avec le sucre
 rosat, ou avec vng petit d'eau ro-
 se, est vtile par tout le decours de
 ceste maladie. Les herbes viles
 pour alterer le bouillon de la chair,
 sont la vinette, les fucilles de plan-
 tain, de oxiachanta, nommee ber-
 beris, ou espine vinette, les laitues,
 la fcariole: Et au lieu d'icelles on
 prend quelque orge mondé, ou a-
 mandé, sumach, berberis, semence
 de plantain, de pourpier, pour met-
 tre bouillir avec la chair, de la
 poulpe de la poictrine du chappé,
 alterée avec les choses susdictes,
 on en fera coulis assez espez, & au
 lieu de sucre, on mettra vng petit
 d'eau rose. Deuant le past est vtile
 codignac ou le sirop d'iceluy. Et en
 la fin la poire rostie, non sucrée, ou
 les amendes preparées avec eau

*Manier
 de viue
 pour le
 malade.*

rose. Et les viâdes susdirttes ne doi-
uent point estre prinſes chaudes,
mais froides, ou tirant à froideur.
Ceux qui ſont au camp pourront
mâger du laiât bouilli: avec lequel
on aura eſtaint pluſieurs fois vn
caillou clair. Et la pierre nommee
pyrites, ou quelque pierre belle &
claire qu'on trouue ſouuēt par les
riuieres. Et boirôt de l'eau bouil-
lie avec fueilles de plantain, ou
de ronce, ou de fueillès de meſlier.
Et doit le patient cuitter courroux
& melancolie, ſe tenant coy ſans
grand exercice, & en lieu frais. Car
par tout le decours de la maladie
le repos & le dormir ſont deux cho-
ſes fort vtils. Quant aux remedes,
dès le commencement on doit re-
garder d'euacuer l'humeur pechât
prudentemēt en euitant toute me-
dicine où entre diagrede, coloquin
te,

*Repos
utile pour
le mala-
de.*

re, agaric & semblables. Mais faut
 vsfer de celles qui purgent douce-
 ment sans agiter les humeurs: &
 qui delaisent apres leur operation
 quelque vestige de stipticité, côme
 est le reubarbe, ou les mirabolans
 doucement desechez sus le fer, &
 moiénemét chaux dónnez en deuë
 quantité, avec decoction de plā-
 tain, ou de hippuris nommee vul-
 gairement queue de cheual, ou de
 piloselle. Et poutce qu'è ce cas il y
 a souuent obstruction des veines
 meseraïques, sera fort vtile d'vsfer
 de choses aperitiues qui ont en soy
 quelque adstriction & propriété
 de guarir des vlceres interieurs: Et
 auons tousiours trouué de grand
 efficace la piloselle, l'agrimoine,
 qui est le vray eupatoriū, les fueil-
 les de cariophyllata³ & les racines
 de plantain. On doit boullir icel

*Choses
 aperitiues
 avec sti-
 ptiçité.*

les herbes en eau, & donner à boire entre deux repas de ladicte decoction : & fera bonne aide aux pources gens, & aux gensdarmes à cause qu'on trouue desdittes herbes quasi par tout. Nous auons trouué aussi vtile la poudre de la piloselle seichee doucemēt en yng papier sur le gril donnee la pesanteur d'vng escu avec decoction de plantain : Et entre autres remedes est vtile de sa propriété le foie de la Loutre, il le faut couper par pieces, puis le lauer en vin blanc : & apres le seicher au four & le garder pour faire poudre. Et auons acoustumé d'en donner au patient, la pesanteur d'vne drachme, ou d'vng escu, avec decoction de plantain, ou d'aigrimoine du matin. On doit aussi en tel cas, porter avec soy poudre d'ecreuisses fluvia-

les,

*Poudre
de Pilosel
la.
Foie de
loutre.*

les, & bolus Armenus lauë en eau
 rose, ou de plantain: A cause q^uilz
 sont bons, tant en ce cas comme à
 la preservation & curation de la
 peste, Pareillement est bon du co-
 ral, & corne de cerf bruslez, & pul-
 nerisez, & de la pierre ematites ou
 sanguinaire, donnés comme les re-
 medes dessusdictes. Pour les par-
 ties exterieures, est vtil d'oindre la
 region de l'estomach, ou le ventre
 inferieur d'huile rosat chaude, a-
 uec lequel on aura adiousté quelq^{ue}
 quantité de mastie, & ce par deux
 ou trois fois le iour. Et ne faut
 oublier que les clisteres sont de
 grand' vtilité, quand l'vlcere est
 aux gros intestins & doit on com-
 mæcer par clistere lauatif ou deter-
 sif, comme celuy qui est fait de de-
 coction d'orge avec roses, hiperi-
 con, & le miel rosat: & doit estre
 donné

*Vnctio
vtilis.*

*Clistere
lauatif.*

donné tiède. Car la chaleur actuelle
 esmeut les humeurs. Et deux ou
 trois heures apres, on doit donner
 vng autre clistere adstringent: com
 me celuy qui est fait de decoction,
 de symphitum, ou cōsolida maior,
 plantain, poligonum, roses, agri
 moine, hipericon: avec laquelle on
 adioustera sang de dragon, de bo
 lus Armenus, & gresse de bouc ou
 de cheure. A ceste intention est vri
 le clistere faict de laiët: avec lequel
 auront bouilly les herbes susdictes
 sans sel & sans huile. Et si la dou
 leur est vehemente, on fera bouil
 lir avec le laiët des fueilles de pa
 uot, ou de la semēce d'iceluy, avec
 lesdictes herbes. Plusieurs docteurs
 louēt l'application d'vn petit sup
 positoire fait de storax calamite:
 avec lequel on adioustera, la dixie
 me partie d'opium, & doit ledit
 supposi

*Clistere
 consolida
 tif.*

*Sedatif
 de dou
 leur.*

suppositoire auoir vn filet pendu
 au dehors, afin que lors que le pa-
 tient commencera à dormir, on le
 puisse tirer hors. Et est le dormir
 tresvtil en ce cas. Parquoy sus la
 nuict, sera bon de donner du laiët
 d'amendes espës, preparé à tout l'
 eau ferree, & avec semence de pa-
 uot blanc. Pareillement est bonne
 l'application de populeon, auquel
 on adiousterà vng petit d'opium: *Frontal.*
 Et ce seulement sus les temples du
 soir. Et lors que le patient commé-
 cera à dormir faudra oster l'empla-
 stre; Et pour cõclusion, où que soit
 l'vlcération, par tout le decours de
 ceste maladie, ay trouué bon reme-
 de de faire boire au patient de la *Decoction*
 decoction de pentaphillon, argen- *utile en*
 tine, & plantain. Et dõner vne heu- *tout tẽps.*
 re deuant le repas demye cuilleree
 de coriãdre preparé par trois iours
 avec

auec eau rose , & doucement se-
chee en vng papier, sur le gril. Et
ainsi faisons la fin à ce petit liure.
Dont honneur & gloire en soit à
tousiours à l'auteur de vie , Iesus
Christ nostre Seigneur. Ainsi
soit il.

F I N.